

四庫全書

史部

欽定四庫全書

史部

史記正義卷二至四

詳校官編修臣李如筠

欽定四庫全書

史記正義卷二

夏本紀第二

史記二

唐張守節撰

夏禹

夏者帝禹封國號也帝王紀云禹受封為夏伯在豫州外方之南今河南陽翟是也

名曰文

命

帝王紀云父鯀妻脩已見流星貫昴夢接意感又吞神珠遂以胃拆而生禹名文命字密身九尺二寸長

本西夷人也大戴禮云禹陽之孫鯀之子曰文命揚雄

蜀王本紀云禹本汝山即廣柔縣人也生於石紐括地

志云茂州汶川縣石紐山在縣西七十三里華陽國志

云今夷人共營其地方百里不敢居牧至今猶不敢放

六畜按廣柔  
隋改曰汶川

禹之父曰鯀鯀之父曰帝顓頊顓頊之父

曰昌意昌意之父曰黃帝禹者黃帝之玄孫而帝顓頊之孫也禹之曾大父昌意及父鯀皆不得在帝位為人臣當帝堯之時鴻水滔天浩浩懷山襄陵下民其憂堯求能治水者羣臣四嶽皆曰鯀可堯曰鯀為人負命毀族不可四嶽曰等之未有賢於鯀者願帝試之於是堯聽四嶽用鯀治水九年而水不息功用不成於是帝堯乃求人更得舜舜登用攝行天子之事巡狩行視鯀之

治水無狀乃殛鯀於羽山以死

殛音紀力反鯀之羽山化為黃熊入於羽淵熊

音乃來反下三點為三足也東晉發蒙紀云鼈三足曰熊

天下皆以舜之誅為是於

是舜舉鯀子禹而使續鯀之業堯崩帝舜問四嶽曰有能成美堯之事者使居官皆曰伯禹為司空可成美堯之功舜曰嗟然命禹女平水土維是勉之禹拜稽首讓於契后稷皋陶舜曰女其往視爾事矣禹為人敏給克勤其德不違其仁可親其言可信聲為律身為度稱以出壘壘穆穆為綱為紀禹乃遂與益后稷奉帝命命諸

侯百姓興人徒以傳土行山表木定高山大川禹傷先人父繇功之不成受誅乃勞身焦思居外十三年過家

門不敢入薄衣食致孝於鬼神卑宮室致費於溝洫陸

行乘車水行乘船泥行乘橈

按橈形如船而短小兩頭微起人曲一脚泥上擡進

用拾泥上之物今杭州溫州海邊有之也

山行乘橰

按上山前齒短後齒長下山前齒長後齒短也

攴音與上同也

左準繩右規矩載四時以開九州通九道陂九

澤度九山令益予衆庶稻可種卑濕命后稷予衆庶難得之食食少調有餘相給以均諸侯禹乃行相地宜所

有以貢及山川之便利禹行自冀州始冀州既載

按理水及

貢賦從帝都為始也黃河自勝州東直南至華陰即東

至懷州南又東北至平州碣石山入海也東河之西南

河之東南河之北皆冀州也

壺口治梁及岐

括地志云壺口山在慈州吉常縣西南五十里

冀州境也梁山在人州韓城縣東南十九里岐山岐州

岐山縣東北十里二山雍州境也孔安國從東循山理

水而西也

既修太原至於嶽陽

括地志云霍山在沁州沁原縣西七十八里

覃懷

致功至於衡漳

括地志云故懷城在懷州武陟縣西十一里衡漳水在瀛州東北百二十五里

平舒縣界也

其土白壤賦上上錯田中中常衛既從大陸既

為鳥夷皮服

括地志云鞞鞞國古肅慎也在京東北萬里已下東及北各抵大海其國南有白山

鳥獸草木皆白其人處山林間土氣極寒常為穴居以  
深為貴至接九梯養豕食肉衣其皮冬以猪膏塗身厚  
數分以禦風寒貴臭穢不潔作厠於中園之而居多勇  
力善射弓長四尺如弩矢用楛長一尺八寸青石為鏃  
葬則交木作柳殺猪積柳上富者至數百貧者數十以  
為死人之糧以土上覆之以繩繫於柳頭出土上以酒  
灌醢繩腐而止

無四時祭祀也

夾右碣石入於海濟河維沅州九河既

道雷夏既澤雍沮會同

括地志云雷夏澤在濮州雷澤縣郭外西北雍沮二水在雷澤

西北平地也

桑土既蠶於是民得下丘居土其土黑墳草絲

木條田中下賦貞作十有三年乃同其貢漆絲其筐織

文浮於濟漯通於河海岱維青州

按舜分青州為營州遼西及遼東

隅



夷既畧維淄既道

括地志云密州莒縣山維水所出淄州淄川縣東北七十里原山淄水所

出俗傳云禹理水功畢土石黑數里之中波若漆故謂之淄水也

其土白墳海濱廣瀉

厥田斥鹵田上下賦中上厥貢鹽絺海物維錯岱畎絲

枲鉛松怪石萊夷為牧其筐會絲浮於汶通於濟海岱

及淮維徐州淮沂其治蒙羽其藝大野既都東原底平

廣平云原徐州在東故曰東原水去已致平復言可耕種也

其土赤埴墳草木漸包

其田上中賦中中貢維土五色

韓詩外傳云天子社廣五丈東方青南方赤西

方白北方黑上冒以黃土將封諸侯各取方土苴以白茅以為社也太康地記云城陽姑幕有五色土封諸侯

錫之茅土用為社此土即禹貢羽畎夏翟嶧陽孤桐地括

徐州土也今屬密州莒縣也志云嶧山在兗州鄒縣南二十二里鄒山記云鄒山古

之嶧山言絡繹相連屬也今猶多桐樹按今獨生桐尚

微一偏似琴瑟泗濱浮磬括地志云泗水至淮夷蠙珠泉魚其

篚玄纈縞以細繒染為黑色浮於淮泗括地志云泗水

縣東陪尾山其源有四道因為名通於河淮海維揚州彭蠡既都陽鳥

所居蠡音禮括地志云彭蠡湖在三江既入震澤致定

澤在蘇州西四十五里三江者在蘇州東南三十里名

三江口一江西南上七十里至太湖名曰松江古笠澤

江一江東南上七十里自規湖名曰上江亦曰東江一

江東北下三百餘里入海名曰下江亦曰婁江於其分

處號曰三江口顧夷吳地記云松江東北行七十里得  
三江口東北入海為婁江東南入海為東江并松江為  
三江是也言理三江入海非入震澤也按太湖西南湖  
州諸渙從天目山下西北宣州諸山有渙並下太湖太  
湖東北流名至三江口入海其湖無通彭蠡湖及太湖  
處並阻山陸諸儒及地志等解三江既入皆非也周禮  
職方氏云揚州藪曰具區川曰三江按五湖三江者韋  
昭注非也其源俱不通太湖引解三江既入失之遠矣  
五湖者菱湖游湖莫湖貢湖葺湖皆太湖東岸五灣為  
五湖蓋古時應別今並相連菱湖釐山東周迴三  
十餘里西口闊二里其口南則莫里山北則徐侯山西  
與莫湖連莫湖在莫里山西及北北與葺湖連葺湖在  
葺山西南與莫湖連各周迴五六十里西連太湖游湖  
在北二十里在長山東湖西口闊二里其口東南岸樹  
里山西北岸長山湖周迴五六十里貢湖在長山西其  
口闊四五里口東南長山山南即山陽村西北連常州

無錫縣老岸湖周圍一百九十里已上湖身向東北長七十餘里兩湖西亦連太湖河渠書云於吳則通渠三江五湖貨殖傳云夫吳有三江五湖之利又太史公自叙傳云登姑蘇望五湖是也竹箭既布其

草惟大其木惟喬其土塗泥田下下賦下上上雜貢金

三品瑤琨竹箭齒革羽毛

周禮考工記云犀甲七屬兕甲六屬郭云犀似水牛猪頭

大腹庠脚橈角好食棘也亦有一角者按西南夷常貢旄牛尾為旄旗之飾書詩通謂之旄故尚書云右秉白旄詩云建旄設

島夷卉服

括地志云百濟國西南渤海中有大島十五所皆邑落有

人居屬百濟又倭國武皇后改曰日本國在百濟南隔海依島而居凡百餘小國此皆揚州之東島夷也按東南之夷草服葛越焦其筐織貝其包橘柚錫貢均江海竹之屬越即苧祁也

通淮泗荆及衡陽維荊州江漢朝宗於海

括地志云江水源出岷州

南岷山南流至益州即東南流入蜀至瀘州東流經三

硤過荊州與漢水合

孫卿子云江水其源可以濫觴也

又云漢水源出梁州金牛縣東二十八里嶠冢山

九江甚中沱潒己道

括地志云繁江

水受郢江禹貢曰岷山導江東別為沱源出益州新繁縣潛水一名復水今名龍門水源出利州綿谷縣東龍門山大石穴下也

雲夢土為治其土塗泥田下中賦上下貢羽

旄齒革金三品柁幹枯栢礪砥砮丹維箇簞楷三國致

貢其名包匭菁茅

括地志云辰州盧溪縣西南三百五十里有包茅山武陽記云山際出包

茅有刺而三脊

其筐玄纁璣組九江入賜大龜浮於江

因名包茅山

沱洛於漢踰於雒至於南河荆河惟豫州

括地志云荆山在襄州荆

山縣西八十里韓子云卞和得玉璞於楚之荆山即此也河洛州北河也

伊雒瀍澗既入於

河

括地志云伊水出虢州盧氏縣東巒山東北流入洛洛水出商州洛南縣冢嶺山東流經洛州郭內又各

合伊水瀍水出洛州新安縣東南流至洛州郭內南入洛澗水源出洛州新安縣東白石山東北與穀水合流

經洛州郭內東流入洛也

滎播既都道荷澤被明都

括地志云荷澤在曹州濟陰縣

東北九十里定陶城東今名龍池亦名九鄉陂

其土壤下土墳壚田中上賦雜

上中貢漆絲絺紵其筐織絮錫貢磬錯浮於雒達於河

華陽黑水惟梁州

括地志云黑水出梁州城固縣西北太山

汶嶠既甄

括地

志云岷山在岷州溢洛南一里連綿至蜀二千里皆名岷山岷冢山在梁州金牛縣東二十八里音子踐反

氏音丁

沱沔既道蔡蒙旅平

括地志云蒙山在雅州嚴道縣南十里

和夷

底績其土青驪田下上賦下中三錯貢璆鐵銀鏤砮磬

熊羆狐狸織皮西傾因桓是來

括地志云西傾山今強臺山在洮州臨澤縣西

南三百三十六里

浮於潛踰於沔入於渭亂於河黑水西河惟

雍州弱水既西涇屬渭汭

括地志云涇水源出原州百泉縣西南笄頭山涇谷渭水

源出渭原縣西七十六里鳥鼠山今名青雀山渭有三源並出鳥鼠山東流入河按言理涇水及至渭水又理

漆沮亦從渭流復理澧水亦同入渭者也

漆沮既從

括地志云漆水源出岐州普閭縣東南岐漆山

漆溪東入渭沮水一名川水源出雍州富平縣東入櫟

陽縣南漢高帝於櫟陽置萬年縣十三州地理志云萬

年縣南有涇渭北有小河即沮水也

詩云古公去邠度漆沮即此二水

豐水所同

鄂縣終南山

荆岐已旅

今名掘陵原岐山在雍州富平縣

縣東北十里尚書正義云洪水時祭祀禮廢已旅祭言

理水功畢也按雍州荆山即黃帝及禹鑄鼎地也襄州

荆山縣西荆山即

終南敦物至於鳥鼠

一名太一山一名南山一名橘山一名楚山一名泰山

一名周南山一名地脯山在雍州萬年縣南五十里

原隰底績至於都野

原隰幽州地也按原平高地也隰

源州都野沙州三危山也括地志云都

野澤在涼州姑藏縣東北二百八十里

三危既度三苗



大序其土黃壤田上上賦中下貢璆琳琅玕浮於積石

至於龍門西河

括地志云積石山今名小積山在河州枹罕縣西七里河州在京西一千四百

七十二里龍門山在同州韓城縣北五十里李奇云禹鑿通河水處廣八十步三秦記云龍門水懸船而行兩旁有山水陸不通龜魚集龍門下按河在冀州西故云西河也龍故云暴鯁點額龍門下按河在冀州西故云西河也禹發源河水小積石山浮河東北下歷靈勝北而南行至於龍門皆雍州城也會於渭汭水經云河

水又南至潼關渭水從西注之也

織皮昆侖析支渠搜西戎即序道九

山汧及岐至於荆山

括地志云汧山在隴州汧源縣西六十里其山東隣汶岫西接隴岡

汧水出焉岐山在岐州

踰於河壺口雷首至於太嶽

括地志云壺口在慈州吉

昌縣西南雷首山在蒲州河東  
縣太嶽霍山也在沁州沁源縣  
砥柱析城至於王屋

地括

志云底山俗名三門山陝石縣東北五十里黃河之中  
孔安國云底柱山名河水分流包山而過山見水中若  
柱然也括地志云析城縣在澤州西南七十里注水經  
云析城山甚高峻上平坦有二水東濁西清左右不生  
草木括地志云王屋山在懷州王屋縣北十里古今  
地名云山方七百里山高萬仞本冀州之河陽山也太

行常山至於碣石入於海

括地志云太行山在懷州河

恒山在定州恒陽縣西北百四十里道書福地記云恒  
山高三千三百丈上方二十里有大玄之泉神草十九

種可度俗西傾朱圉鳥鼠至於太華熊耳外方桐栢至於負

尾

括地志云華山在華州華陰縣界八里熊耳山在號  
州盧氏縣南五十里嵩高山亦名太室山亦名外方

山在洛州城陽縣北二十三里也桐栢山在唐州東南五十里淮水出焉橫尾山古陪尾山也在安州安陸縣

北六十里道嶠冢至於荆山括地志云嶠冢山在梁州荆山在襄州荆山縣西八十里也又

云荆山縣本漢臨沮縣地也沮水即漢水也按縣孫叔敖激沮水為雲夢澤是也

內方至於大

別括地志云章山在荊州長林縣東北六十里今漢水附章山之東與經史符合按大別山今沙州在山上

漢江經其左今俗猶云凱山注云在安豐非漢所經也汶山之陽至於衡山括地志云

岷山在茂州汶川縣衡山在衡州湘潭縣西四十一里過九江至於敷淺原道九

川弱水至於合黎括地志云蘭門山一名合黎一名窮名山在甘州刪丹縣西南七里淮南

子云弱水源出窮名山又云合黎一名羌谷水一名鮮水一名覆表水今名副投河亦名張掖河南自吐谷渾

界流入甘州張掖縣今按合黎水出臨路松山東而北  
流歷張掖故城下又北流經張掖縣二十三里又北流  
經合黎山折而北流經流沙磧之西入居延海  
行千五百里合黎山張掖縣西北二百里也  
餘波入

於流沙道黑水至於三危入於南海

括地志云黑水源出伊吳縣北百二

十里又南流二十里而絕三危山在沙州燉煌縣東南  
四十里按南海即揚州東大海岷江下至揚州東入海  
也其黑水源在伊州從伊州東南三千餘里至鄯州鄯  
州東南四百餘里至河州入黃河河州有小積石山即  
禹貢浮於積石至於龍門者然黃河源從西南下出大  
崑崙東北隅東北流經于闐入鹽澤即東南潛行入吐  
谷渾界大積石山又東北流至小積石山又東北流來  
處極遠無流其黑水當洪水時合從黃河而行何得入  
於南海去此甚遠阻隔南山隴山岷山之屬當  
是洪水浩浩處西戎不深致功古文故有疏畧道河積

石至於龍門南至華陰

華陰縣在華山北本魏之陰晉縣秦惠文王更名寧秦漢高帝

改曰

東至砥柱

砥柱山俗名三門山禹鑿北山三道河水故曰三門也

又東至於

盟津

杜預云盟河內郡河陽縣南孟津也在洛陽城北都道所湊古今為津武王度之近代呼為武濟

地志云盟津周武王伐紂與八百諸侯會盟津亦曰東孟津又曰富平津水經云小平津今云河陽津是也

過雒汭至於大邳

李巡云山再重曰英一重曰邳括地志云大邳山今名黎陽東山又曰青

壇山在衛州黎陽南七里張揖云今城臯非也

北過降水至於大陸

括地志云降水源出

潞州也留縣西南方東北流冀州入海

北播為九河同為逆河入於海

播布

也河至冀州分布為九河下至滄州更同合為一大河名曰逆河而夾右碣石入於渤海也

嶧冢道

漢東流為漢

括地志云嶧冢山水始出山沮洳故曰沮水東南為漢水又為沔水至漢中為漢水

至均州為滄浪水始欲出大江為夏口又為沔口漢江一名沔江也又東為滄浪之水

括地

志云均州武當縣有滄浪水庾仲雍漢水記云武當縣西四十里漢水中有洲名滄浪洲也地記云水出荆山

東南流為滄浪水過三澁入於大別南入於江東匯澤為彭蠡

東為北江入於海汶山道江東別為沱又東至於醴過

九江至於東陵東迤北會於匯東為中江入於海

括地志云

禹貢三江俱會於彭蠡合為一江入於海道沅水東為濟入於河洑為滎

括地

志云沅水出懷州王屋縣北十里王屋山頂崖下石泉不流其深不測至縣西北二里平地其源重發而東

南流為汜水水經云汜東至溫縣西北為沛水又南當  
鞏之南北入於河釋名云濟者濟也下濟子細反按濟  
水入河而南截度河南岸溢榮澤在鄭

東出陶丘北

括

州榮澤縣西北四里今無水成平地  
志云陶丘在濮州鄆城西南二十四里又云在曹州  
城中徐才宗國都記云此城中高丘即古之陶丘

又

東至於荷又東北會於汶

汶音問地理志云汶水出泰山  
郡萊蕪縣原山西南入沛

又東北入於海道淮自桐栢

地理志云桐栢山在南陽  
平氏縣東南淮水所出按

在唐州東  
五十餘里東會於泗沂東入於海道渭自鳥鼠同穴

括

志云鳥鼠山今名青雀山在渭州渭源縣西七十六里  
山海經云鳥鼠同穴之山渭水出焉郭璞注云今在隴

西首陽縣西南山有鳥鼠同穴鳥名鵪鼠名鼯如人家  
鼠而短尾鵪似鵪而小黃黑色穴入地三四尺鼠在內

鳥在外鵠音余鵠扶廢反鷄音丁刮反似雉也

東會於豐

豐音豐括地志云雍州鄠縣終南山豐水

出焉北入渭也

又東北至於涇

括地志云涇水出原州百泉縣西南并頭山涇谷東南流入渭

也東過漆沮入於河道雒自熊耳

括地志云洛水出商州洛南縣西冢嶺山

東北流入河熊耳山在虢州盧氏縣南五十里洛所經

東北會於澗瀍

括地志云澗水出洛

州新安縣東白石山之陰地理志云瀍水出河南穀城縣替亭北東南入於洛

又東會於伊東

北入於河於是九州攸同四奧既居九山棐旅九川滌

原九澤既陂四海會同六府甚修衆土交正致慎財賦

咸則三壤成賦中國賜土姓祇台德先不距朕行令天



子之國以外五百里甸服百里賦納總二百里納銍三百里納結服四百里粟五百里米甸服外五百里侯服百里采二百里仕國三百里諸侯侯服外五百里綏服三百里揆文教二百里奮武衛綏服外五百里要服三百里夷二百里蔡要服外五百里荒服三百里蠻二百里流東漸於海西被於流沙朔南暨聲教訖於四海於是帝錫禹玄圭以告成功於天下

帝堯也玄水也以禹理水功成故錫玄圭

以表顯之自此已上並尚書禹貢文

天下於是大平治臯陶作士

士若大理卿也

以理民帝舜朝禹伯夷臯陶相與語帝前臯陶述其謀

曰信其道德謀明輔和禹曰然如何臯陶曰於

音烏歎美之辭

慎其身修

絕句

思長敦序九族衆明高翼近可遠在已禹

拜美言曰然臯陶曰於在知人在安民禹曰吁皆若是

惟帝其難之知人則智能官人能安民則惠黎民懷之

能知能惠何憂乎驩兜何遷乎有苗何畏乎巧言善色

佞人臯陶曰然於行亦有九德亦言其有德乃言曰始

事事寬而栗柔而立愿而共治而敬擾而毅直而溫簡

而廉剛而實彊而義章其有常吉哉日宣三德蚤夜翊明有家日嚴振敬六德亮采有國翕受普施九德咸事俊乂在官百吏肅謹毋教邪淫奇謀非其人居其官是謂亂天事天討有罪五刑五用哉吾言底可行乎禹曰

女言致可績行臯陶曰余未有知思贊道哉

臯陶云我未有所知

思之審贊於古道耳謙辭也已上並尚書臯陶謨文畧其經不全備也

帝舜謂禹曰汝亦

昌言禹拜曰於予何言予思日孳孳臯陶難禹曰何謂孳孳禹曰鴻水滔天浩浩懷山襄陵下民皆服於水予

陸行乘車水行乘舟泥行乘橈山行乘樁行山槩木

行寒

孟反槩  
口寒反

與益予衆庶稻鮮食以決九川致四海浚畎澮

致之川與稷予衆庶難得之食食少調有餘補不足徙  
居衆民乃定萬國為治臯陶曰然此而美也禹曰於帝  
慎乃在位安爾止輔德天下大應清意以昭待上帝命  
大其重命用休帝曰吁臣哉臣哉臣作朕股肱耳目予  
欲左右有民女輔之余欲觀古人之象日月星辰作文  
繡服色女明之予欲聞六律五聲八音來始滑以出入

五言女聽予即辟女匡拂予女無面諛退而謗予敬四

輔臣諸衆讒嬖臣君德誠施皆清矣禹曰然帝即不時

布同善惡則毋功帝曰

此二字及下禹曰尚書並無太史公有四字帝及禹相答極為

次序當應別見書

毋若丹朱傲維慢游是好毋水舟行朋淫於

家用絕其世予不能順是禹曰予辛壬娶塗山癸甲生

啓予不子

此五字為一句禹辛日娶至甲四日往理水及生啓不入門我不得名子以故能成水土

之功又一云過門不入不得有子愛之心帝繫云禹娶塗山氏之子謂之女媧是生啓也以故能成

水土功輔成五服至於五千里州十二師外薄四海爾

云九夷八狄七戎六蠻謂之四海釋名云海晦也按夷蠻晦昧無知故云四海也

咸建五長各

道有功苗頑不即功帝其念哉帝曰道吾德乃女功序之也臯陶於是敬禹之德令民皆則禹不如言刑從之

舜德大明於是夔行樂

若今太常卿也

祖考至羣后相讓鳥獸

翔舞簫韶九成鳳皇來儀百獸率舞百官信諧帝用此

作歌曰陟天之命維時維幾乃歌曰股肱喜哉元首起

哉百工熙哉臯陶拜手稽首揚言曰念哉率為興事慎

乃憲敬哉乃更為歌曰元首明哉股肱良哉庶事康哉

舜又歌曰元首叢脞哉股肱惰哉萬事墮哉帝拜曰然  
往欽哉於是天下皆宗禹之明度數聲樂為山川神主  
帝舜薦禹於天為嗣十七年而帝舜崩三年喪畢禹辭  
辟舜之子商均於陽城天下諸侯皆去商均而朝禹禹  
於是遂即天子位南面朝天下國號曰夏后姓姁氏帝  
禹立而舉臯陶薦之且授政焉而臯陶卒帝王紀云臯陶生於曲阜  
曲阜偃地故帝因之而以賜姓曰偃堯禪舜命之作士  
舜禪禹禹即帝位以咎陶最賢薦之於天將有禪之意  
未及禪而臯陶卒括地志云咎臯墓在壽州安豐  
縣南一百三十里故六城東東都陂內太冢也封臯

陶之後於英六

英蓋蓼也括地志云光州固始縣本春秋時蓼國偃姓皐陶之後也左傳云子

變滅蓼太康地志云

蓼國先在南陽故縣今豫州鄧縣界故胡城是後徙於此括地志云故六城在壽州安豐

縣南一百三十二里春秋

或在

許括地志云許故城在許州許昌縣南三十

丈五年秋楚成大心滅之

或在

許括地志云許故城在許州許昌縣南三十

里本漢許縣故許國也

而後舉益任之政十年帝禹東巡狩至於

會稽而崩以天下授益三年之喪畢益讓帝禹之子啓

而辟居箕山之陽

按陰即陽城也括地志云陽城縣在箕山北十三里又恐箕字誤本是嵩

字而字相似其陽城縣在嵩山南二十三里則為嵩山之陽也

禹子啓賢天下屬意焉

及禹崩雖授益益之佐禹日淺天下未洽故諸侯皆去



益而朝啓曰吾君帝禹之子也於是啓遂即天子之位是為夏后帝啓夏后帝啓禹之子其母塗山氏之女也

有扈氏不服

括地志云雍州南鄠縣本夏之扈國也地理志云鄠縣古扈國有戶亭訓纂云戶扈

鄠三字一也古今字不同耳

啓伐之大戰於甘將戰作甘誓乃召六

卿申之啓曰嗟六事之人予誓告女有扈氏威侮五行

怠棄三正天用勦絕其命今予維共行天之罰左不攻於左右不攻於右女不共命御非其馬之政女不共命用命賞於祖不用命僇於社予則帑僇汝遂滅有扈氏

天下咸朝夏后帝啓崩子帝太康立帝太康失國昆弟  
五人須於洛汭作五子之歌太康崩弟中康立是為帝  
中康帝中康時羲和湏淫廢時亂日脣往征之作脣征

中康崩子帝相立帝相崩子帝少康立

帝王紀云帝羿有窮氏未聞其

姓何先帝倍以上世掌射正至倍賜以彤弓索矢封之  
於鋤為帝司射歷虞夏羿學射於吉甫其臂長故以善  
射聞及夏之衰自鋤遷於窮石因夏民以伐夏篡帝相  
徙於商丘依同姓諸侯斟尋羿恃其善射不脩民事淫  
於田獸棄其良臣武羅伯姬熊髡危圉而信寒浞寒浞  
伯明氏之讒子伯明后以讒棄之而羿以為已相寒浞  
殺羿於桃梧而亨之以食其子其子不忍食之死於窮  
門浞遂代夏立為帝寒浞蘘有窮之號因羿之室生羿

及殪豳多力能陸地行舟使豳帥師滅斟灌斟尋殺夏  
帝相封豳於過封殪於戈恃其詐力不恤事初豳之殺  
帝相也妃仍氏女曰后緡歸有仍生少康初夏之貴臣  
曰靡事羿羿死逃於有鬲氏收斟尋二國餘燼殺寒浞  
立少康滅豳於過后杼滅殪於戈有窮遂亡也按帝相  
被篡歷羿浞二世四十年而此紀不說亦馬遷所為疏  
畧也豳音五告反殪音許器反括地志云故鋤城在滑  
州衛城縣東十里晉地記云河南有窮谷蓋本有窮氏  
所遷也括地志云商丘今宋州也斟灌故城在青州壽  
光縣東五十四里斟尋故城今青州北海縣是也故過  
鄉亭在萊州掖縣西北二十里本過國地故鬲城在洛  
州密縣界杜預云國名今平原高縣也戈在宋鄭之間  
也寒國在北海平壽縣東寒亭也伯明其君也臣瓚云  
斟尋在河南蓋後遷北海也汲冢古文云太康居斟尋  
羿亦居之桀又居之尚書云太康失邦兄弟五人須於  
洛汭此即太康居之為近洛也又吳起對魏武侯曰夏

桀之居左河濟右太華伊闕在其南羊腸在其北又周書度邑篇云武王問太公吾將因有夏之居即河南是也括地志云故鄒城在洛州鞏縣西南五十八里蓋桀所居也陽翟縣又是禹所封為夏伯

帝少康

崩子帝予立帝予崩子帝槐立帝槐崩子帝芒立帝芒崩子帝泄立帝泄崩子帝不降立帝不降崩弟帝扃立帝扃崩子帝廩立帝廩崩立帝不降之子孔甲是為帝孔甲帝孔甲立好方鬼神事淫亂夏后氏德衰諸侯畔之天降龍二有雌雄孔甲不能食

音寺

未得豢龍氏陶唐

既衰其後有劉累

括地志云劉累故城在洛州緱氏縣南五十五里乃劉累舊之故地也

學擾龍於豢龍氏以事孔甲孔甲賜之姓曰御龍氏受  
豕韋之後龍一雌死以食夏后夏后使求懼而遷去孔  
甲崩子帝皐立帝皐崩子帝發立帝發崩子帝履癸立  
是為桀帝桀之時自孔甲以來而諸侯多畔夏桀不務  
德而武傷百姓百姓弗堪迺召湯而囚之夏臺已而釋  
之湯修德諸侯皆歸湯湯遂率兵以伐夏桀桀走鳴條  
遂放而死

括地志云廬州樂縣有巢湖即尚書成湯伐桀放於南巢者也淮南子云湯敗桀於歷山

與末喜同舟浮江奔南巢之山而死國語云滿於巢湖又云夏桀伐有施施人以妹喜女焉女音女慮反桀

謂人曰吾悔不遂殺湯於夏臺使至此湯乃踐天子位

代夏朝天下湯封夏之後

括地志云夏亭故城在汝州鄆城縣東北五十四里蓋夏

後所封也

至周封於杞也

括地志云汴州雍丘縣古杞國城也周武王封禹後號東樓公也

太史公曰禹為姒姓其後分封用國為姓故有夏后氏

有扈氏有男氏斟尋氏彤城氏褒氏費氏杞氏繒氏辛

氏冥氏斟氏戈氏孔子正夏時學者多傳夏小正云自

虞夏時貢賦備矣或言禹會諸侯江南計功而崩因葬

焉命曰會稽會稽者會計也

括地志云禹陵在越州會稽縣南十三里廟在縣東

南十  
一里

史記正義卷二



欽定四庫全書

史記正義卷三

唐 張守節 撰

殷本紀第三

史記三

殷契

括地志云相州安陽本盤庚所都即北冢殷墟南去朝歌城百四十六里竹書紀年云盤庚字也北

冢曰殷墟南去鄴四十里是舊都城西南三十里有洹水南岸三里有安陽城西有城名殷墟所謂北冢者也

今按洹水在相州北四里安陽城即相州外城也

母曰簡狄有娥氏之女

按記云桀

敗於有娥之墟有城當在蒲州也

為帝倍次妃三人行浴見玄鳥墮其

卯簡狄取吞之因孕生契契長而佐禹治水有功帝舜

乃命契曰百姓不親五品不訓汝為司徒而敬敷五教

五教在寬封於商

括地志云商州東八十里商洛縣本商邑古之商國帝侖之子高所封也

賜姓子氏

括地志云故子城在渭州華城縣東北八十里蓋子姓之別邑

契興於唐虞

大禹之際功業著於百姓百姓以平契卒子昭明立昭

明卒子相土立

括地志云宋州城古關伯之墟即商丘也又云羿所封之地

相土卒

子昌若立昌若卒子曹圉立曹圉卒

圉音語出本草

子冥立冥

卒子振立振卒子微立微卒子報丁立報丁卒子報乙

立報乙卒子報丙立報丙卒子主壬立主壬卒子主癸

立主癸卒子天乙立是為成湯成湯自契至湯八遷湯

始居亳

括地志云宋州穀熟縣西南三十五里南亳故城即南亳湯都也宋州北五十里大蒙城為景

亳湯所盟地因景山為名河南偃師為西亳帝偁及湯所都盤庚亦從都之

從先王居

按亳偃師

城也商丘宋州也湯即位都南亳後徙西亳也括地志云亳邑故城在洛州偃師縣西十四里本帝偁之墟商

湯之都也作帝誥湯征諸侯葛伯不祀湯始伐之湯曰予有

言人視水見形視民知治不伊尹曰明哉言能聽道乃

進君國子民為善者皆在王官勉哉勉哉湯曰汝不能

敬命予大罰殛之無有攸赦作湯征伊尹名阿衡阿衡

欲干湯而無由乃為有莘氏媵臣

括地志云古莘國在汴州陳留縣東五里

故莘城是也陳留風俗傳云陳留外黃有莘昌亭本宋地莘氏邑也媵翊刺反爾雅云媵將送也

負鼎

俎以滋味說湯致於王道或曰伊尹處士湯使人聘迎之五反然後肯往從湯言素王及九主之事湯舉任以國政伊尹去湯適夏既醜有夏復歸於亳入自北門遇女鳩女房作女鳩女房湯出見野張網四面祝曰自天下四方皆入吾網湯曰嘻盡之矣乃去其三面祝曰欲

左左欲右右不用命乃入吾網諸侯聞之曰湯德至矣及鳥獸當是時夏桀為虐政淫荒而諸侯昆吾氏為亂

帝桀時陸終之長於夏臺子昆吾氏之後也世本云昆吾者衛氏是湯乃興師率諸侯伊

尹從湯湯自把鉞以伐昆吾遂伐桀湯曰格汝衆庶來女悉聽朕言匪台小子敢行舉亂有夏多罪予維聞女衆言夏氏有罪予畏上帝不敢不正今夏多罪天命殛之今女有衆女曰我君不恤我衆舍我畱事而割政女其曰有罪其奈何夏王率止衆力率奪夏國有衆率怠

不和曰是日何時喪予與女皆亡夏德若茲今朕必往  
爾尚及予一人致天之罰予其大理女女母不信朕不  
食言女不從誓言予則帑僇女無有攸赦以告令師作  
湯誓於是湯曰吾甚武號曰武王桀敗於有娥之虛桀

犇於鳴條

括地志云高涯原在蒲州安邑縣北三十里南坂口即古鳴條陌也鳴條戰地在安邑西

夏師敗績湯遂伐三歲俘厥寶玉

括地志云曹州濟陰縣即古定陶也東有

三戰亭是也

義伯仲伯作典寶湯既勝夏欲遷其社不可作

夏社伊尹報於是諸侯心服湯乃踐天子位平定海內

湯歸至於泰卷陶

陶古  
銘反

中囂作誥既紂夏命還亳作湯

誥維三月王自至於東郊告諸侯羣后母不有功於民  
勤力迺事予乃大罰殛女母予怨曰古禹臯陶久勞於  
外其有功乎民民乃有安東為江北為濟西為河南為  
淮四瀆已修萬民乃有居后稷降播農殖百穀三公咸  
有功於民故后有立昔蚩尤與其大夫作亂百姓帝乃  
弗予音與有狀先王言不可不勉曰不道母之在國女母  
我怨以令諸侯伊尹作咸有一德咎單作明居湯乃改

正朔易服色上白朝會以晝湯崩

括地志云薄城北郭東三里平地有湯冢

按在蒙即北薄也又云洛州偃師縣東六里有湯冢近桐宮蓋此是也

太子太丁未立而

卒於是廼立太丁之弟外丙是為帝外丙帝外丙即位

三年崩立外丙之弟中壬

仲壬二音

是為帝中壬帝中壬即

位四年崩伊尹廼立太丁之子太甲

尚書孔子序云成湯既沒太甲元年

不言有外丙仲壬而太史公採世本有外丙仲壬二書不同當是信則傳信疑則傳疑

太甲成湯

適長孫也是為帝太甲帝太甲元年伊尹作伊訓作肆

命作徂后帝太甲既立三年不明暴虐不遵湯法亂德



於是伊尹放之於桐宮

晉太康地記云尸鄉南有亳坂東有城太甲所放處也按尸鄉

在洛州偃師縣西南五里也

三年伊尹攝行政當國以朝諸侯帝太

甲居桐宮三年悔過自責反善於是伊尹迺迎帝太

而授之政帝太甲修德諸侯咸歸殷百姓以寧伊尹嘉

之迺作太甲訓三篇褒帝太甲稱太宗太宗崩子沃丁

立帝沃丁之時伊尹卒既葬伊尹於亳

括地志云伊尹墓在洛州偃師

縣西北八里又云宋州楚丘縣西北十五里有伊尹墓

恐非也帝王世紀伊尹名摯為湯相號阿衡年百歲卒  
天霧三日沃丁  
咎單遂訓伊尹事作沃丁沃丁崩弟太

庚立是為帝太庚帝太庚崩子帝小甲立帝小甲崩弟  
雍已立是為帝雍已殷道衰諸侯或不至帝雍已崩弟  
太戊立是為帝太戊帝太戊立伊陟為相亳有祥桑穀  
共生於朝一暮大拱帝太戊懼問伊陟伊陟曰臣聞妖  
不勝德帝之政其有闕與帝其修德太戊從之而祥桑  
枯死而去伊陟贊言於巫咸

按巫咸及子賢冢皆在蘇州常熟縣西海虞山上蓋

二子本吳人也

巫咸治王家有成作咸父作太戊帝太戊贊伊

陟於廟言弗臣伊陟讓作原命殷復興諸侯歸之故稱

中宗中宗崩子帝仲丁立帝仲丁遷於澠

括地志云榮陽故城在鄭

州榮澤縣西南十七里殷時教地也

河亶甲居相

括地志云故殷城在相州內黃縣東南十三里

即河亶甲所築都之故名殷城也

祖乙遷於邢

括地志云絳州龍門縣東南十二里耿城故耿

也帝仲丁崩弟外壬立是為帝外壬仲丁書闕不具帝

外壬崩弟河亶甲立是為帝河亶甲河亶甲時殷復衰

河亶甲崩子帝祖乙立帝祖乙立殷復興巫賢任職祖

乙崩子帝祖辛立帝祖辛崩弟沃甲立是為帝沃甲帝

沃甲崩立沃甲兄祖辛之子祖丁是為帝祖丁帝祖丁

崩立帝沃甲之子南庚是為帝南庚帝南庚崩立帝祖  
丁之子陽甲是為帝陽甲帝陽甲之時殷衰自仲丁以  
來廢適而更立諸弟子弟子或爭相代立比九世亂於  
是諸侯莫朝帝陽甲崩弟盤庚立是為帝盤庚帝盤庚  
之時殷已都河北盤庚渡河南復居成湯之故居廼五  
遷無定處湯自南亳遷西亳仲丁遷救河亶甲居相  
祖乙居耿盤庚渡河南居西亳是五遷也殷  
民咨胥皆怨不欲徙盤庚乃告諭諸侯大臣曰昔高后  
成湯與爾之先祖俱定天下法則可修舍而弗勉何以

成德乃遂涉河南治亳行湯之政然後百姓由寧殷道  
復興諸侯來朝以其遵成湯之德也帝盤庚崩弟小辛  
立是為帝小辛帝小辛立殷復衰百姓思盤庚迺作盤  
庚三篇帝小辛崩弟小乙立是為帝小乙帝小乙崩子  
帝武丁立帝武丁即位思復興殷而未得其佐三年不  
言政事決定於冢宰以觀國風武丁夜夢得聖人名曰  
說以夢所見視羣臣百吏皆非也於是迺使百 營求  
之野得說於傅險中

地理志云傅險即傅說版築之處  
所隱之處窟名聖人窟在今陝州

河北縣北七里即虞國虢國之界又有傳說祠注水經云沙澗水北虞山南經傳巖傳說隱室前俗名聖人窟

是時說為胥靡築於傅險見於武丁武丁曰是也得而與之語果聖人舉以為相殷國大治故遂以傅險姓之

號曰傳說帝武丁祭成湯明日有飛雉登鼎耳而鳴音構

鳴也詩云雉之朝鳴

武丁懼祖已曰王勿憂先修政事祖已乃

訓王曰唯天監下典厥義降年有永有不永非天天民中絕其命民有不若德不聽罪天既附命正厥德乃曰其奈何嗚呼王嗣敬民罔非天繼常祀毋禮於弃道武

丁修政行德天下咸驩殷道復興帝武丁崩子帝祖庚  
立祖己嘉武丁之以祥雉為德立其廟為高宗遂作高  
宗彤日及訓帝祖庚崩弟祖甲立是為帝甲帝甲淫亂  
殷復衰帝甲崩子帝廩辛立帝廩辛崩弟庚丁立是為  
帝庚丁帝庚丁崩子帝武乙立殷復去亳徙河北帝武  
乙無道為偶人偶五苟反偶對以土木  
為人對象於人形也謂之天神與之  
博令人為行為于偽反  
行胡孟反天神不勝乃僂辱之為革囊盛  
血仰而射之命曰射天武乙獵於河渭之間暴雷武乙

震死子帝太丁立帝太丁崩子帝乙立帝乙立殷益衰  
帝乙長子曰微子啓啓母賤不得嗣少子辛辛母正后  
辛為嗣帝乙崩子辛立是為帝辛天下為之紂帝紂資

辨捷疾聞見甚敏材力過人手格猛獸

帝王世紀云紂  
倒曳九牛撫梁

易桂也

知足以距諫言足以飾非矜人臣以能高天下以

聲以為皆出已之下好酒淫樂嬖於婦人愛妲己妲己  
之言是從於是使師涓作新淫聲北里之舞靡靡之樂  
厚賦稅以實鹿臺之錢

括地志云鹿臺在衛  
縣西南二十二里

而盈鉅橋



之粟益收狗馬奇物充仞宮室益廣沙丘苑臺

括地志云沙丘

臺在邢州平鄉東北二十里竹書紀年云自盤庚徙殷至紂之滅七百七十三年更不徙都紂時稍大其邑南距朝歌北據邯鄲及沙丘皆為離宮別館多取野獸蜚鳥置其中慢於鬼神

大最樂戲於沙丘以酒為池

括地志云酒池在衛州衛縣西二十三里太公六韜

云紂為酒池迴船糟丘而牛飲者三千餘人為輩

縣肉為林

縣戶反

使男女僕

胡瓦

反相逐其間為長夜之飲百姓怨望而諸侯有畔者於

是紂乃重辟刑有炮烙之法以西伯昌九侯

括地志云相州洛陽

縣西南五十里有九侯城亦名鬼侯城蓋殷時九侯城也

鄂侯為三公九侯有好女

入之紂九侯女不熹淫紂怒殺之而醢九侯鄂侯爭之

彊辨之疾并脯鄂侯西伯昌聞之竊嘆崇侯虎知之以

告紂紂囚西伯姜里

姜一作牖音西姜城在相州湯陰縣北九里紂囚西伯城也帝王世

紀云囚文王文王之長子曰伯邑考質於殷為紂御紂烹為羹賜文王曰聖人當不食其子羹文王食之紂曰誰謂西伯聖者食其子羹尚不知也西伯之臣閼夭之徒求美女奇物善

馬以獻紂紂乃赦西伯西伯出而獻洛西之地

洛水一名漆沮

水在同州洛西之地謂洛西文丹方等州也

以請除炮烙之刑紂乃許之賜

弓矢斧鉞使得征伐為西伯而用費中為政

費音扶味反中音仲

費姓仲名也

費中善諛好利殷人弗親紂又用惡來惡來善

毀讒諸侯以此益疏西伯歸乃陰修德行善諸侯多叛紂而往歸西伯西伯滋大紂由是稍失權重王子比干諫弗聽商容賢者百姓愛之紂廢之及西伯伐飢國滅之紂之臣祖伊聞之而咎周恐奔告紂曰天既訖我殷命假人元龜無敢知吉非先王不相我後人維王淫虐用自絕故天弃我不有安食不虞知天性不迪率典今我民罔不欲喪曰天曷不降威大命胡不至今王其奈

何紂曰我生不有命在天乎祖伊反曰紂不可諫矣西伯既卒周武王之東伐至盟津諸侯叛殷會周者八百諸侯皆曰紂可伐矣武王曰爾未知天命乃復歸紂愈淫亂不止微子數諫不聽乃與太師少師謀遂去比干曰為人臣者不得不以死爭迺強諫紂怒曰吾聞聖人心有七竅剖比干觀其心

括地志云比干見微子去箕子狂乃歎曰主過不諫

非忠也畏死不言非勇也過則諫不用則死忠之至也進諫不去者三日紂問何以自持比干曰修善行仁以義自持紂怒曰吾聞聖人心中有箕子懼乃詳狂為奴紂竅信諸遂殺比干刳視其心也

又囚之殷之太師少師乃持其祭樂器奔周周武王於

是遂率諸侯伐紂紂亦發兵距之牧野

括地志云今衛州城即殷牧野

之地周武王伐紂築也

甲子日紂兵敗紂走入登鹿臺衣其寶玉

衣赴火而死

周書云紂取天智玉琰五環身以自焚

周武王遂斬紂頭縣

之白旗殺妲己釋箕子之囚封比干之墓表商容之閭

封紂子武庚祿父以續殷祀令修行盤庚之政殷民大

說於是周武王為天子其後世貶帝號號為王而封殷

後為諸侯屬周

即武庚祿父也

周武王崩武庚與管叔蔡叔作

亂成王命周公誅之而立微子於宋以續殷祀焉

太史公曰余以頌次契之事自成湯以來采於書詩契  
為子姓其後分封以國為姓有殷氏來氏宋氏空桐氏  
稚氏北殷氏目夷氏孔子曰殷路車為善而色尚白

史記正義卷三

欽定四庫全書

史記正義卷四

唐 張守節 撰

周本紀第四

史記四

周后稷

因太王所居周原因號曰周地理志云右扶風縣岐山西北中水鄉周太王所邑括地志云故

周城一名美陽城在雍州武功縣西北二十五里即太王城也名弃其母有邠氏女邠天

來反亦作釐同說文云邠炎帝之後姜姓封邠周棄外家曰姜原姜原為帝偕元妃

姜原出野見巨人跡心忻然說欲踐之踐之而身動如

孕者居期而生子以為不祥弃之隘巷馬牛過者皆辟  
不踐徙置之林中適會山林多人遷之而弃渠中冰上  
飛鳥以其翼覆薦之姜原以為神遂收養長之初欲弃  
之因名曰弃

古史考云棄帝偁之曹其父亦不著與此文稍異也

弃為兒時屹如

巨人之志其遊戲好種樹麻菽麻菽美及為成人遂好  
耕農相地之宜宜穀者稼穡焉

種曰稼敏曰穡

民皆法則之帝

堯聞之舉弃為農師天下得其利有功帝舜曰弃黎民  
始飢爾后稷播時百穀封弃於郃

括地志云故釐城一名武功城在雍州縣



西南二十二里古郃國名稷所封也有后稷及姜嫄祠  
毛萇云郃姜嫄國也后稷所生堯見天因郃而生后稷  
故因封號曰后稷別姓姬氏后稷之興在陶唐虞夏之  
於郃也

際皆有令德后稷卒子不窋立

括地志云不窋故城在慶州宏化縣南三里即

不窋在戎狄所居之城也毛詩疏云虞及夏殷共有千  
二百歲每世在位皆八十年乃可充其數耳命之短長  
古今一也而使十五世君在位皆八十許載子必  
將老始生不近人情之甚以理而推實難據信也

不窋

末年夏后氏政衰去稷不務不窋以失其官而犇戎狄  
之間不窋卒子鞠立鞠卒子公劉立公劉雖在戎狄之  
間復修后稷之業務耕種行地宜自漆沮度渭取材用

公劉徙漆縣漆水南渡渭水至南山取材木為用也括地志云豳州新平縣即漢漆縣也漆水在岐州普閏縣東岐山漆水東入渭行者有資居者有畜積民賴其慶百姓懷之

多徙而保歸焉周道之興自此始故詩人歌樂思其德

公劉卒子慶節立國於豳

括地志云豳州新平縣即漢漆沮縣詩豳國公劉所邑之

地也慶節卒子皇僕立皇僕卒子差弗立差弗卒子毀隄

立毀隄卒子公非立公非卒子高圉立高圉卒子亞圉

立亞圉卒子公叔祖類立公叔祖類卒子古公亶父立

古公亶父復修后稷公劉之業績德行義國人皆戴之

薰育戎狄攻之欲得財物予之已復攻欲得地與民民  
皆怒欲戰古公曰有民立君將以利之今戎狄所為攻  
戰以吾地與民民之在我與其任彼何異民欲以我故  
戰殺人父子而君之予不忍為乃與私屬遂去豳渡漆

沮踰梁山

括地志云梁山在雍州好畤縣西北十八里  
鄭元云岐山西南然則梁山橫長其東當陽

西北臨河其西當岐山東  
北自豳適周當踰之矣

止於岐下豳人舉國扶老攜

弱盡復歸古公於岐下及他旁國聞古公仁亦多歸之  
於是古公乃貶戎狄之俗而營築城郭室屋而邑別居

之作五官有司民皆歌樂之頌其德古公有長子曰太

伯次曰虞仲太姜

國語云齊許申呂四國皆姜姓也四岳之後太姜之家太姜太王之妃王

季之母

生少子李歷李歷娶太任

國語云摯時二國任姓虞仲仲虺之後太任之

家太任王季之妃文王母也

皆賢婦人

列女傳云太姜太王娶以為妃生太伯仲雍王季太姜有

色而貞順率導諸子至於成童靡有過失太王謀事必於太姜遷徙必興太任王季娶以為妃太任之性端壹誠莊維德之行及其有身目不視惡色耳不聽淫聲口不出傲言能以胎教子而生文王此皆有賢行也

昌有聖瑞

尚書帝命驗云李秋之月甲子赤爵銜丹書入于鄂止于昌戶其書云敬勝怠者吉怠勝

敬者滅義勝欲者從欲勝義者凶凡事不強則不枉不敬則不正枉者廢滅敬者萬世以仁得之以仁守之其

量百世以不仁得之以仁守之其量十世以  
不仁得之不仁守之不及其世此蓋聖瑞  
古公曰我

世當有興者其在昌乎長子太伯虞仲知古公欲立李

歷以傳昌乃二人亡如荆蠻

太伯奔吳所居城在蘇州北五十里常州無錫縣界

梅里村其城及冢見在而云亡荆蠻者楚滅越其地屬楚秦滅楚其地屬秦秦諱楚改曰荆故通號吳越之地  
為荆及北人書史  
加云蠻勢之然也  
文身斷髮以讓李歷古公卒李歷立

是為公季公季修古公遺道篤於行義諸侯順之公季

卒子昌立是為西伯西伯曰文王

帝王世紀云文王龍顏虎眉身長十尺有

四乳雉書靈聽云蒼帝姬昌日角  
鳥鼻高長八尺二寸聖智慈理也  
遵后稷公劉之業則

古公公季之法篤仁敬老慈少禮下賢者日中不暇食

以待士士以此多歸之伯夷叔齊在孤竹

括地志云孤竹故城在平

州盧龍縣南十二里殷時諸侯竹國也姓點氏也

聞西伯善養老盍往歸之太

顛閼夭散宜生鬻子辛甲大夫之徒皆往歸之崇侯虎

譖西伯於殷紂曰西伯積善累德諸侯皆嚮之將不利

於帝帝紂乃囚西伯於羑里閼夭之徒患之乃求有莘

氏美女

括地志云古嫫國城在同州河西縣南二十里世本云莘國如姓夏禹之後即散宜生等求有

莘美女獻紂者

驪戎之文馬

括地志云驪戎故城在雍州新豐縣東南十六里殷周時驪戎國城

也按駿馬赤鬣縞身目有熊九馬括地志云鄭州新鄭如黃金文王以獻紂也

按九馬三十匹馬也他奇怪物因殷嬖臣費仲而獻之紂紂大

說曰此一物足以釋西伯況其多乎乃赦西伯賜之弓

矢斧鉞使西伯得征伐曰譖西伯者崇侯虎也西伯乃

獻洛西之地以請紂去炮烙之刑紂許之西伯陰行善

諸侯皆來決平於是虞芮之人括地志云故虞城在陝州河北縣東北五十里

虞山之上古虞國也故芮城縣西二十里古芮國也晉太康地記云虞西百四十里有芮城括地志云又開原

在河北縣西六十五里詩云虞芮質厥成毛萇云虞芮之君相與爭里久而不平乃相謂曰西伯仁人盡往質

焉乃相與朝周二國君相謂曰我等小人不可履君子之庭乃相讓所爭地以為閒原至今尚在注引地理志芮在臨晉者恐疏然閒原在河東復與虞芮相接臨晉在河西同州非臨晉芮城明矣有獄不能

決乃如周入界耕者皆讓畔民俗皆讓長虞芮之人未見西伯皆慙相謂曰吾所爭周人所恥何往為祇取辱耳遂還俱讓而去諸侯聞之曰西伯蓋受命之君明年

伐犬戎

又云黃帝生苗龍苗龍生融吾融吾生并明并明生白犬白犬有二是為犬戎說文云赤狄本

犬種故字從犬又後漢書云犬戎槃瓠之後也今長明沙武陵之郡大半是也又毛詩疏云犬戎昆夷是也

年伐密須

括地志云陰密故城在涇州鶉孤縣西其東接縣城即古密國杜預云姑姓國在安定陰



密縣也

明年敗耆國

即黎國也鄭誕生云本或作黎孔安國云黎在上黨東北括地志云故黎

城黎侯國也在潞州黎城縣東北十八里尚書云西伯既戡黎是也殷之祖伊聞之懼以

告帝紂紂曰不有天命乎是何能為明年伐邾

括地志云故邾

城在懷州河內縣西北二十七里古邾國城也左傳云邾晉應韓武王之穆也

明年伐崇侯虎

皇甫謐云夏鯀封虞夏商周皆有崇國崇國蓋在豐鎬之間詩云既伐于崇作邑于豐是國之地也而作

豐邑

括地志云周豐宮周文王宮也在雍州鄂縣東三十五里鎬在雍州西南三十二里

自岐下

而徙都豐明年西伯崩

括地志云周文王墓在雍州萬年縣西南二十八里原上也

太子發立是為武王西伯蓋即位五十年其囚羑里蓋

益易之八卦為六十四卦

乾鑿度云垂黃策者義益卦演德者文成命者孔也易正

義云伏羲制卦文王卦辭周公爻辭孔十翼也按太史公言蓋者乃疑辭也文王著演易之功作周紀方贊其美不敢專定重

詩人道西伯蓋受命之年稱王而斷虞

易故稱蓋也

芮之訟

二國相讓後諸侯歸西伯者四十餘國咸尊西伯為王蓋此年受命之年稱王也帝王世紀云

文王即位四十二年歲在鶉火文王更為受命之元年始稱王矣又毛詩云文王九十七而終終時受命九年則受命之元年

後十年而崩

十當為九其說在後

謚為文王

謚法經緯

天地曰文

改法度制正朔矣追尊古公為太王公季為王季

易緯云文王受命改正朔有王號於天下鄭元信而用之言文王稱王已改正朔布王號矣按天無二日土無

二王豈殷紂尚存而周稱王哉若文王自稱王改正朔則是功業成矣武王何復得云大勲未集欲卒父業也禮記大傳云牧之野武成大事而退追王太王王季王李歷文王昌據此文乃是追王為王何得文王自稱王改正朔也蓋王瑞自太王興古公在邠被戎狄攻戰奪民太父子而君之予不忍為遂遠去邠止於岐下邠人舉國盡歸古公他國聞古公仁亦多歸之乃貶戎狄之俗為室屋邑落而分別居之季歷又生昌有聖瑞蓋是王瑞自太王時而興起也然自西伯蓋即位五十年以下至太王興在西伯崩後重述其事為經傳不同可全棄乃畧而書之引次其下事必可疑故數言蓋也武王即位諡法克定禍亂曰武春秋元命包云武王胙齒是謂剛強也太公望為師周公旦為輔召公畢公之徒左右王師修文王緒業九年

武王上祭於畢

上音時掌反尚書武成篇云我文考文王誕膺天命以撫方夏惟九年大統未

集大誓篇序云惟十有一年武王伐殷太誓篇云惟十有三年春大會于孟津大戴禮云文王十五而生武王則武王少文王十四歲矣禮記文王世子云文王九十而終武王九十三而終按文王崩時武王已八十三矣八十四即位至九十三崩武王即位適滿十年言十三年伐紂者續文王受命年欲明其卒父業故也金縢篇云惟克商二年王有疾不愈按文王受命九年而崩十一年武王服闋觀兵孟津十三年克紂十五年有疾周公請命王有瘳後四年而崩則武王年九十三矣而太史公云九年王觀兵十一年伐紂則以為武王即位年數與尚書違甚疎矣

東觀兵至于盟津為文王木主載以車中

軍武王自稱太子發言奉文王以伐不敢自專乃告司

馬司徒司空諸節齊栗信哉予無知以先祖有德臣小子受先功畢立賞罰以定其功遂興師師尚父號曰總爾衆庶與爾舟楫後至者斬武王渡河中流白魚躍入王舟中武王俯取以祭既渡有火自上復于下至于王屋流為鳥其色赤其聲魄云是時諸侯不期而會盟津者八百諸侯諸侯皆曰紂可伐矣武王曰女未知天命未可也乃還師歸居二年聞紂昏亂暴虐滋甚殺王子比干囚箕子太師疵少師彊抱其樂器而犇周於是武

王徧告諸侯曰殷有重罪不可以不畢伐乃遵文王遂

率戎車三百乘虎賁三千人甲士四萬五千人以東伐

紂十一年十二月戊午師畢渡盟津

畢盡也盡從河南渡河北

諸侯

咸會曰孳孳無怠武王乃作太誓告于衆庶今殷王紂

乃用其婦人之言自絕于天毀壞其三正

按三正三統也周以建子

為天統殷以建丑為地統夏以建寅為人統也

離遏其王父母弟乃斷弃其先

祖之樂乃為淫聲用變亂正聲怡說婦人故今予發維

共行天罰勉哉夫子不可再不可三二月甲子昧爽武

王朝至于商郊牧野乃誓

括地志云衛州城故老云周武王伐紂至于商郊牧野乃

築此城鄴元注水經云自朝歌南至清水土地平衍據  
阜跨澤悉牧野也括地志又云紂都朝歌在衛州東北  
七十三里朝歌故城是也本妹邑殷王武丁始都之  
帝王世紀云帝乙復濟河北徙朝歌其子紂仍都焉武

王左杖黃鉞右秉白旄以麾曰遠矣西土之人武王曰

嗟我有國家君司徒司馬司空亞旅師氏千夫長百夫

長及庸蜀羌髳微纁彭濮人

髳音矛括地志云房州竹山縣及金州古盧國也益

州及巴利等州皆古蜀國隴右岷洮叢等州以西羌也  
微纁以南古髳國之地戎府之南古微盧彭二國之地  
僕在楚西南有髳州微濮州瀘府彭  
州焉武王率西南夷諸州伐紂也  
稱爾戈比爾干立

爾予其誓王曰古人有言牝雞無晨牝雞之晨惟家  
之索今殷王紂維婦人言是用自弃其先祖肆祀不答  
昏弃其家國遺其王父母弟不用乃維四方之多罪逋  
逃是崇是長是信是使俾暴虐于百姓以姦軌于商國  
今予發維共行天之罰今日之事不過六步七步乃止  
齊焉夫子勉哉不過於四伐五伐六伐七伐乃止齊焉  
勉哉夫子尚桓桓如虎如羆如豺如離于商郊不禦克  
辟以役西土勉哉夫子爾所不勉其予爾身有戮誓已



諸侯兵會者車四千乘陳師牧野帝紂聞武王來亦發

兵七十萬人距武王武王使師尚父與百夫致師以大

卒馳帝紂師

大卒謂戎車三百五十乘士卒二萬六千二百五十人及虎賁三千人

紂師

雖衆皆無戰之心心欲武王即入紂師皆倒兵以戰以

開武王武王馳之紂兵皆崩畔紂紂走反入登于鹿臺

之上蒙衣其珠玉

衣音於既反周書云甲子夕紂取天智玉琰五環身以自焚注天智玉之

善者縫環其身自厚也凡焚四千玉也庶玉則銷天智玉不銷紂身不盡也

自燔于火而死

武王持太白旗以麾諸侯諸侯畢拜武王武王乃揖諸

侯

武王率諸侯伐天子天子曰死諸侯畢賀故武王揖諸侯言先拊循之心也

諸侯畢從武

王至商國

謂至朝歌

商國百姓咸待於郊於是武王使羣臣

告語商百姓曰上天降休商人皆再拜稽首武王亦答

拜遂入至紂死所武王自射之三發而後下車以輕劔

擊之

周書作輕呂擊之輕呂劔名也

以黃鉞斬紂頭縣太白之旗已而

至紂之嬖妾二女二女皆經自殺武王又射三發擊以

劔斬以玄鉞縣其頭小白之旗武王已乃出復軍其明

日除道修社及商紂宮及期百夫荷罕旗以先驅武王

弟叔振鐸奉陳常車周公旦把大鉞畢公把小鉞以夾武王散宜生太顛閎夭皆執劔以衛武王既入立于社南大卒之左右畢從毛叔鄭奉明水衛康叔封布茲召

公奭贊采

贊佐也采幣也

師尚父牽牲尹佚筮祝曰

尹佚讀筮書祝文以

祭社也

殷之末孫季紂

周書作末孫受德受德紂字也

殄廢先王明德侮

蔑神祇不祀昏暴商邑百姓其章顯聞于天皇上帝於

是武王再拜稽首曰膺更大命革殷受天明命武王又再拜稽首乃出封商紂子祿父殷之餘民武王為殷初

定未集乃使其弟管叔鮮蔡叔度相祿父治殷

地理志云河內

殷之舊都周既滅殷分其畿內為三國詩邶鄘衛是邶以封紂子武庚鄘管叔尹之衛蔡叔尹之以監殷民謂之三監帝王世紀云自殷都以東為衛管叔監之殷都以西為鄘蔡叔監之都以北為邶霍叔監之是為三監

按二說各異未詳也

已而命召公釋箕子之囚命畢公釋百姓之

囚表商容之閭命南宮括散鹿臺之財發鉅橋之粟以

振貧弱萌隸命南宮括史佚展九鼎保玉命閼夫封比

干之墓

封謂益其土及畫疆界括地志云比干墓在衛州汲縣北十里二百五十步

命宗祝

享祠于軍乃罷兵西歸行狩記政事作武成封諸侯班

賜宗彞作分殷之器物武王追思先聖王乃褒封神農

之後於焦黃帝之後於祝

左傳云祝其實夾谷杜預云夾谷即祝其也服虔云東海

郡祝其縣也

帝堯之後於薊帝舜之後於陳

括地志云陳州宛丘縣在陳城

中即古陳國也帝舜後遏父為周武王陶工武王賴其器用封其子媯滿於陳都宛丘之側

大禹之

後於杞

括地志云汴州雍丘縣古杞國地理志云古杞國理此城周武王封禹後於杞號東樓公二十

一代為楚所滅

於是封功臣謀士而師尚父為首封封尚父於

營丘曰齊

水經注今臨淄城中有丘云古縣丘之地呂望所封齊之都也營丘在縣北百步外城中

輿地志云秦立為縣城臨淄水故曰臨淄也

封弟周公旦於曲阜曰魯

帝王世紀

云炎帝自陳營都於魯曲阜黃帝自窮桑登帝位後徙曲阜少昊邑於窮桑以登帝位都曲阜顓頊始都窮桑徙商丘窮桑在魯北或云窮桑即曲阜也又為大庭氏之故國又是商奄之地皇甫謐云黃帝生於壽丘在魯城東門之北居軒轅之丘於山海經云此地窮桑之際西射之南是也括地志云兗州曲阜縣外城即周公旦子伯禽所築封召公奭於燕封帝堯之後於薊封召公魯城也

水經注云薊則西北隅有薊丘因取名焉括地志云燕山幽州漁陽縣東南六十里國都城記云周武王封召公奭於燕地在燕山之野故國取名焉按周封以五等之爵薊燕立國俱武王立因燕山薊丘為名其地足自立國薊微燕盛乃并薊居之薊名

遂絕焉今幽州薊縣古燕國也

封弟叔鮮於管括地志云鄭州管城縣外城古管國弟叔度於蔡括地志云豫州城也周武王弟叔鮮所封

縣古蔡國武王封弟叔度於蔡餘各以次受封武王徵是也縣東十里有蔡岡因名也

九牧之君登幽之阜以望商邑

括地志云幽州三水縣西十里有幽原周先公

劉所都之地也幽城在此原上因武王至于周自夜不

寐

周鎬京也武王伐紂還至鎬京憂未定天之保安故自夜不得寐也

周公旦即王所曰

曷為不寐王曰告女維天不饗殷自發未生於今六十

年麋鹿在牧蜚鴻滿野

蜚音飛古飛字也於今猶當今於今六十年從帝乙十年至伐

紂年也麋鹿在牧喻讒佞小人在朝位也飛鴻滿野喻忠賢君子見放棄也言紂父帝乙立後殷國益衰至伐紂六十年間諂佞小人在於朝位忠賢君子放遷於野故詩云鴻鴈于飛肅肅其羽之子于征劬勞于野毛萋

云之子侯伯卿士也鄭元云鴻鴈知避陰陽寒暑喻民知去無道就有道也

天不享殷乃今

有成維天建殷其登名民三百六十夫不顯亦不賔滅

以至今我未定天保何暇寐王曰定天保依天室悉求

夫惡貶從殷王受日夜勞來我西土我維顯服及德方

明

服事也武王荅周公云定知天之安保我位得依天之宮室退除殷紂之惡日夜勞民又安定我之西土

我維明於事及我之德教施四方明行之乃可至於寢寐也自此已上為至周自夜不寐周公問之故先書

自洛汭延于伊汭居易毋固其有夏之居

括地志云自禹至太康與

唐虞皆不易都城然則居陽城為禹避商均時非之都也帝王世紀云禹封夏伯今河南陽翟是汲冢古文云



太康居斟尋羿亦居之桀又居之括地志云故鄆城在洛州鞏縣西南五十八里也我南望三塗

北望嶽鄙顧詹有河

括地志云太行恒山連延東北接

邊鄙都邑也又晉州霍山一名犬嶽在洛西北山在洛東北二說皆通

粵詹維伊毋遠天

室

粵者審慎之辭也言審慎瞻維伊二水之陽無遠離此為天室也

營周居于維邑而

後去

括地志云故王城一名河南城本鄆周公新築在洛州河南縣北九里苑內東北隅自平王以下

十二王皆都此城至敬王乃遷都成周至赧王又居王城也帝王世紀云王城西有鄆陌左傳云成王定鼎

於鄆京相璠地名云鄆山名鄆邑名

縱馬於華山之陽

華山在華陰縣南八里山南曰

陽放牛於桃林之虛

括地志云桃林在陝州桃林縣西山海經云本火之山其北有林焉

名曰桃林廣圖三百里中多馬湖水出焉北流入河也

偃干戈振兵釋旅示天下

不復用也武王已克殷後二年問箕子殷所以亡箕子

不忍言殷惡以存亡國宜告

箕子殷人不忍言殷惡以周國之所言告武王為洪

範九類武王以類問天道

武王亦醜故問以天道武王病天下未集

羣公懼穆卜周公乃祓齋

祓音廢又音拂齋音扎皆反祓謂除不祥求福也

自

為質

音至周公祓齋自以贄幣告三王請代武王武王病乃瘳也

欲代武王武王有

瘳後而崩

括地志云武王墓在雍州萬年縣西南二十八里畢原上也

太子誦代立

是為成王成王少周初定天下周公恐諸侯畔周公乃

攝行政當國管叔蔡叔羣弟疑周公與武庚作亂畔周

周公奉成王命伐誅武庚管叔放蔡叔以微子開代殷

後國於宋

今宋州也

頗收殷餘民以封武王少弟封為衛康

叔

尚書洛誥云我卜瀍水東亦惟洛食以居邠鄘衛之衆又多士篇序云成周既成遷殷頑民按是為東周

古洛陽城也括地志云洛陽故城在洛州洛陽縣東北二十六里周公所築即成周城也輿地志云以周地在

王城東故曰東周敬王避子朝亂自洛邑東居此以其迫阨不受王都故壞翟泉而廣之按武王滅殷國為邠

鄘衛三監尹之武庚作亂周公滅之徙三監之民於成周頗收其餘衆以封康叔為衛侯即今衛州是也孔安

國云以三監之民國康叔為衛侯周公懲其數叛故使賢母弟主之也晉唐叔得嘉穀獻

之成王成王以歸周公于兵所周公受禾東土魯天子之命初管蔡畔周周公討之三年而畢定故初作大誥次作微子之命次歸禾次嘉禾次康誥酒誥梓材其事在周公之篇周公行政七年成王長周公反政成王北面就羣臣之位成王在豐使召公復營洛邑如武王之意周公復卜申視卒營築居九鼎焉曰此天下之中四方入貢道里均作召誥洛誥成王既遷殷遺民周公以王命告作多士無佚召公為保周公為師東伐淮夷殘

奄

奄音於險反括地志云泗水徐城縣北三十里古徐國即淮夷也兗州曲阜縣奄至即奄國之地也遷

其君薄姑

括地志云薄姑故城在青州博昌縣東北六十里薄姑氏殷諸侯封於此周滅之也成

王自奄歸在宗周

代奄歸鎬京也

作多方既紂殷命襲淮夷歸

在豐作周官興正禮樂度制於是改而民和睦頌聲興

成王既伐東夷息慎來賀王賜榮伯作賄息慎之命成

王將崩懼太子釗之不任

釗音招又古堯反任而針反

乃命召公畢

公率諸侯以相太子而立之成王既崩二公率諸侯以

太子釗見於先王廟申告以文王武王之所以為王業

之不易務在節儉毋多欲以篤信臨之作顧命太子釗  
遂立是為康王康王即位徧告諸侯宣告以文武之業  
以申之作康誥故成康之際天下安寧刑錯四十餘年  
不用康王命作策畢公分居里成周郊作畢命康王卒  
子昭王瑕立昭王之時王道微缺昭王南巡狩不返卒  
於江上帝王世紀云昭王德衰南征濟于漢船人惡之  
以膠船進王王御船至中流膠液船解王及祭  
公俱沒于水中而崩其右卒游靡  
長臂且多力游振得王周人諱之其卒不赴告諱之也  
立昭王子滿是為穆王穆王即位春秋已五十矣王道

衰微穆王閔文武之道缺乃命伯璆申誠太僕國之政

作璆命

尚書序云穆王令伯璆為太僕正應劭云太僕周穆王所置蓋大御衆僕之長中大夫也

復

寧穆王將征犬戎祭公謀父諫

括地志云故祭城在鄭州管城縣東北十五里

鄭大夫祭仲邑也釋例云祭城在河南上有敖倉周公後所封也

曰不可先王耀德不

觀兵夫兵戢而時動動則威觀則玩玩則無震是故周

文公之頌曰載戢干戈載橐弓矢我求懿德肆于時夏

允王保之先王之於民也茂正其德而厚其性阜其財

求而利其器用明利害之鄉以文修之使之務利而辟

害懷德而畏威故能保世以滋大昔我先王世后稷以

服事虞夏及夏之衰也

謂太康也

弃稷不務

言太康弃廢稷官

我先

王不窋用失其官而自竄於戎狄之間不敢怠業時序

其德遵修其緒修其訓典朝夕恪勤守以敦篤奉以忠

信弈世載德不忝前人

前人謂后稷也言不窋亦世載德不忝后稷及文王武王無不

務農事

至于文王武王昭前之光明而加之以慈和事神

保民無不欣喜商王帝辛大惡于民庶民不忍訢載武

王以致戎于商牧

紂近郊地名牧野

是故先王非務武也勤恤



民隱而除其害也夫先王之制邦內甸服邦外侯服侯  
衛賓服夷蠻要服戎翟荒服甸服者祭侯服者祀賓服  
者享要服者貢荒服者王日祭月祀時享歲貢終王先  
王之順祀也有不祭則修意有不祀則修言有不享則  
修文有不貢則修名有不王則修德序成而有不至則  
修刑於是有刑不祭伐不祀征不享讓不貢告不王於  
是有刑罰之辟有攻伐之兵有征討之備有威讓之命  
有文告之辭布令陳辭而有不至則增修於德無勤民

於遠是以近無不聽遠無不服今自大畢伯士之終也

犬戎氏以其職來王

賈逵云大畢伯士犬戎氏之二君也白狼白鹿犬戎之職貢也按大

畢伯士終後犬戎氏常以其職來王

天子曰

祭公穆王之意故云天子曰

予必以不享

征之且觀之兵無乃廢先王之訓而王幾頓乎

幾音祈

吾

聞犬戎樹敦率舊德而守終純固其有以禦我矣王遂

征之得四白狼四白鹿以歸自是荒服者不至諸侯有

不睦者甫侯言於王作修刑辟王曰吁來有國有土告

汝祥刑在今爾安百姓何擇非其人何敬非其刑何居

非其宜與兩造具備師聽五辭

漢書刑法志云五聽一曰辭聽二曰色聽三曰

氣聽四曰耳聽五曰目聽周禮云辭不直則言繁目不直則視眇耳不直則對荅惑色不直則貌詭氣不直則

數端也五辭簡信正於五刑五刑不簡正於五罰五罰不

服正於五過五過之疵官獄內獄閱實其罪惟鈞其過

五刑之疑有赦五罰之疑有赦其審克之簡信有衆惟

訊有稽無簡不疑共嚴天威黜辟疑赦其罰百率閱實

其罪劓辟疑赦其罰倍灑閱實其罪贖辟疑赦其罰倍

差倍中之差二百去三分一合三百十三錢二兩也宮刑其罰五百贖刑輕其數豈加故知馬孔之說

非也

閱實其罪宮辟疑赦其罰五百率閱實其罪大辟疑

赦其罰千率閱實其罪墨罰之屬千劓罰之屬千臠罰

之屬五百宮罰之屬三百大辟之罰其屬二百五刑之

屬三千命曰甫刑穆王立五十五年崩子共王絜扈立

共王游於涇上密康公從

括地志云陰密故城在涇州鶉孤縣西東接縣城故密國

也有三女犇之其母曰必致之王夫獸三為羣人三為

衆女三為羣王田不取羣

曹大家云羣衆聚皆多之名也田獵得三獸王不盡收以

其害深也

公行不下衆

曹大家云公諸侯也公之所與衆人共議也

王御不參一

族夫粲美之物也衆以美物歸女而何德以堪之王猶  
不堪況爾之小醜乎小醜備物終必亡康公不獻一年  
共王滅密共王崩子懿王薨立懿王之時王室遂衰詩  
人作刺懿王崩共王弟辟方立是為孝王孝王崩諸侯  
復立懿王太子燮是為夷王

紀年云三年致諸侯翦齊  
哀公昂帝王世紀云十六

年崩也

夷王崩子厲王胡立厲王即位三十年好利近榮

夷公大夫芮良正

芮伯也

諫厲王曰王室其將卑乎夫榮

公好專利而不知大難夫利百物之所生也天地之所

載也而有專之其害多矣天地百物皆將取焉何可專也所怒甚多而不備大難以是教王王其能久乎夫王人者將導利而布之上下者也使神人百物無不得極猶曰怵惕懼怨之來也故頌曰思文后稷克配彼天立我蒸民莫匪爾極大雅曰陳錫載周是不布利而懼難乎故能載周以至于今今王學專利其可乎匹夫專利猶謂之盜王而行之其歸鮮矣榮公若用周必敗也厲王不聽卒以榮公為卿士用事王行暴虐侈傲國人謗

王召公諫曰民不堪命矣王怒得衛巫使監謗者

監音銜

反監察也以巫人神靈有謗毀必察也

以告則殺之其謗鮮矣諸侯不朝

三十四年王益嚴國人莫敢言道路以目厲王喜告召

公曰吾能弭謗矣乃不敢言召公曰是鄣之矣防民之

口甚於防水水壅而潰傷人必多民亦如之是故為水

者決之使導為民者宣之使言故天子聽政使公卿至

於列士獻詩

上詩風刺

瞽獻典史獻書

史太史也上書諫

師箴

音針師樂

太師也上箴戒之文

瞽賦矇誦百工諫庶人傳語

傳音逐緣反庶人微賤見時得

失不得上言乃在街巷相傳語

近臣盡規親戚補察

言親戚補王過瞽失及察是非也

史教誨耆艾修之而後王斟酌焉是以事行而不悖民之有口也猶土之有山川也財用於是乎出猶其有原隰衍沃也衣食於是乎生口之宣言也善敗於是乎興行善而備敗所以產財用衣食者也夫民慮之於心而宣之於口成而行之若壅其口其與能幾何王不聽於是國莫敢出言三年乃相與畔襲厲王厲王出奔於虢

括地志云晉州霍邑縣本漢虢縣後改虢曰永安從鄆韓晉也

厲王太子靜匿召公之



家國人聞之乃圍之召公曰昔吾驟諫王王不從以及此難也今殺王太子王其以我為讐而懟怒乎夫事君者險而不讐懟怨而不怒況事王乎乃以其子代王太子王太子竟得脫召公周公二相行政號曰共和巨音反韋昭云彘之亂公卿相與和而脩政事號曰共和也魯連子云衛州共城縣本周共伯之國也共伯名和好行仁義諸侯賢之周厲王無道國人作難王奔于彘諸侯奉和以行天子事號曰共和元年十四年厲王死于彘共伯使諸侯奉王子靖為宣王而共伯復歸國于衛也世家云釐侯十三年周厲王出奔于彘共和行政焉二十八年周宣王立四十二年釐侯卒太子共伯餘立為君恭伯弟和襲攻恭伯于墓上恭伯入釐侯暴自殺

衛人因葬釐侯旁諡曰恭伯而立和為衛侯是為武公  
按此文共伯不得立而和立為武公武公之立在恭伯  
卒後年歲又不相當年表亦  
同明紀年及魯連子非也 共和十四年厲王死于彘

太子靜長于召公家二相乃共立之為王是為宣王宣  
王即位二相輔之脩政法文武成康之遺風諸侯復宗

周十二年魯武公來朝宣王不脩籍于千畝

應劭云古者天子耕

籍田千畝為天下先璣曰籍臨籍也按宣王不脩親耕之禮也

虢文公諫曰

括地志云虢故城在

岐州陳倉縣東西又云千畝原在晉州岳陽縣北

不可王弗聽三十九年戰于

千畝王師敗績于姜氏之戎宣王既亡南國之師乃料

民於太原仲山甫

毛萇云仲山甫樊鄉仲也括地志云漢樊縣城在兗州瑕丘縣西南古樊

國仲山甫所封也

諫曰民不可料也宣王不聽卒料民四十六

年宣王崩

周春秋云宣王殺杜伯而無辜後三年宣王會諸侯田于圃日中杜伯起于道左衣朱衣

冠操朱弓矢射宣王中心折脊而死國語云杜伯射王於鄆

子幽王宮湮立幽王二

年西州三川皆震

按涇渭二水在雍州北洛水一名漆沮在雍州東北南流入渭此時以王

城為東周鎬京為西周

伯陽甫曰周將亡矣夫天地之氣不失其

序若過其序民亂之也陽伏而不能出陰迫而不能蒸

於是有地震今三川實震是陽失其所而填陰也陽失

而在陰原必塞原塞國必亡夫水土演而民用也土無  
所演民乏財用不亡何待昔伊洛竭而夏亡河竭而商  
亡今周德若二代之季矣其川原又塞塞必竭夫國必  
依山川山崩川竭亡國之徵也川竭必山崩若國亡不  
過十年數之紀也天之所弃不過其紀是歲也三川竭  
岐山崩三年幽王嬖愛褒姒括地志云褒國故城在梁  
州褒城縣東二百步古褒  
也褒姒生子伯服幽王欲廢太子太子母申侯女而為  
后後幽王得褒姒愛之欲廢申后并去太子宜臼以褒

姒為后以伯服為太子周太史伯陽讀史記曰

諸國皆有史以

記事故曰史記

周亡矣昔自夏后氏之衰也有二神龍止於夏

帝庭而言曰余褒之二君夏帝卜殺之與去之與止之

莫吉卜請其鰲而藏之乃吉於是布幣而策告之龍亡

而鰲在櫝而去之夏亡傳此器殷殷亡又傳此器周比

三代莫敢發之至厲王之末發而觀之鰲流於庭不可

除厲王使婦人裸而譟之鰲化為玄黿以入王後宮後

宮之童妾既亂而遭之既笄而孕

笄音雞禮記云女子許嫁而笄鄭元云笄

今無夫而生子懼而弃之宣王之時童女謠曰檠弧箕

服實亡周國於是宣王聞之有夫婦賣是器者宣王使

執而戮之逃於道而見鄉者後宮童妾所弃妖子出於

路者

夫婦賣檠弧者宣王欲執戮之遂逃於路遇此妖子哀而收之

聞其夜啼哀而收

之夫婦遂亡犇於褒褒人有罪請入童妾所弃女子者

於王

國語云周幽王伐有褒褒人以褒姒女焉與虢石甫比也

以贖罪弃女子出於

褒是為褒姒當幽王三年王之後宮見而愛之生子伯

服竟廢申后及太子以褒姒為后伯服為太子太史伯

陽曰禍成矣無可奈何褒姒不好笑幽王欲其笑萬方

故不笑幽王為烽燧

峯遂二音晝日燃燧以望火煙夜舉燧以望火光也燧土魯也燧炬

火也皆山上安之有寇舉之

大鼓有寇至則舉烽火諸侯悉至至而

無寇褒姒乃大笑幽王說之為數舉烽火其後不信諸

侯益亦不至幽王以號石父為卿用事國人皆怨石父

為人佞巧善諛好利王用之又廢申后去太子也申侯

怒與繒

繒自陵反國語云繒姒姓夏禹後括地志云繒縣在沂州承縣古侯國

西夷犬戎

攻幽王幽王舉烽火徵兵兵莫至遂殺幽王驪山下虜

褒姒盡取周賂而去

按汲冢書晉咸和五年汲郡汲縣發魏襄王冢得古書冊七十五卷

於是諸侯乃即申侯而共立故幽王太子宜臼是為平

王以奉周祀平王立東遷于維邑

即王城也平王以前號東都至敬王以後

及戰國為西周

辟戎寇平王之時周室衰微諸侯彊并弱齊楚

秦晉始大政由方伯四十九年魯隱公即位五十一年

平王崩太子洩父

音甫

蚤死立其子林是為桓王桓王平

王孫也桓王三年鄭莊公朝桓王不禮五年鄭怨與魯

易許田許田天子之用事太山田也

杜預云成王營王城有遷都之志故



賜周公許田以為魯國朝宿之邑後世因而立周公別廟焉鄭桓公友周宣王之母弟封鄭有助祭太山湯沐邑在祊鄭以天子不復巡狩故欲以祊易許田各從本國所近之宜也恐魯以周公別廟為疑故云已廢太山之祀而欲為魯祀周公遜辭以求也括地志云許田許州許昌縣南有魯城周公廟在城中祊田在沂州費縣東南按八年魯殺隱公

子允令公子翬殺隱公也

立桓公十三年

伐鄭鄭射傷桓王桓王去歸二十三年桓王崩子莊王

佗立莊王四年周公黑肩欲殺莊王而立王子克辛伯

告王王殺周公王子克奔燕

杜預云南燕姑姓也

十五年莊王崩

子釐王

釐音僖謚作毋涼也

胡齊立釐王三年齊桓公始霸五年

釐王崩子惠王閭立惠王二年初莊王嬖姬姚

杜預云姚姓也

生子頹頹有寵及惠王即位奪其大臣園以為園故大夫

邊伯等五人作亂謀召燕衛師

南燕滑州胙城衛澶州衛南也

伐惠王

惠王犇溫

左傳云蘇忿生十二邑桓王奪蘇子十二邑與鄭故蘇子同王大夫伐惠王溫十二邑之

一也杜預云

已居鄭之櫟

杜預云櫟今河南陽翟縣也

立釐王弟頹

為王樂及徧舞鄭虢君怒四年鄭與虢君伐殺王頹

賈逵

云鄭厲公突號公林父也

復入惠王惠王十年賜齊桓公為伯二十

五年惠王崩子襄王鄭立襄王母早死後母曰惠后

陳按

國舜後  
媯姓也

惠后生叔帶

惠王子襄王弟封之於甘拈地志云故甘城在洛州河南縣西南二

十五里左傳云甘昭公王子叔帶也洛陽記云河南縣西南二十五里有水出焉北流入洛山上有甘城即甘

公采邑也

有寵於惠王襄王畏之三年叔帶與戎翟謀伐襄

王襄王欲誅叔帶叔帶奔齊齊桓公使管仲平戎於周

使隰朋平戎於晉王以上卿禮管仲管仲辭曰臣賤有

司也有天子之二守國高在若節春秋來承王命何以

禮焉陪臣敢辭王曰舅氏余嘉乃勲

武王娶太公女為后故呼舅氏遠言

之我善汝有毋逆朕命管仲卒受下卿之禮而還

杜預云管

仲不敢以職自高  
卒受本位之禮也

九年齊桓公卒十二年叔帶復歸於

周十三年鄭伐滑

杜預云滑故國都河南緱氏縣為秦所滅時屬鄭晉後屬周事在魯僖公

二十年括地志云緱氏故城本費城也在洛州緱氏縣南東二十五里也

王使游孫伯服請

滑鄭人囚之鄭文公怨惠王之入不與厲公爵

左傳云莊公二

十一年王巡虢狩虢公為王宮于玼王與之酒泉鄭伯之享王王以后之罍鑒與之虢公請器王與之爵鄭伯由是怨王也杜預云后罍帶而以鏡為飾也爵飲酒器也玼地酒泉周邑又怨襄王之與衛

滑故囚伯服王怒將以翟伐鄭富辰諫曰凡我周之東

徙晉鄭焉依子頽之亂又鄭之由定今以小怨弃之王

不聽十五年王降翟師以伐鄭王德翟人將以其女為  
后富辰諫曰平桓莊惠皆受鄭勞王弃親親翟不可從  
王不聽十六年王絀翟后翟人來諸殺譚伯富辰曰我  
數諫不從如是不出王以我為懟乎乃以其屬死之初  
惠后欲立王子帶故以黨開翟人翟人遂入周襄王出

犇鄭

公羊傳云王者無外此其言出何不能事母也

鄭居王于汜

汜音凡括地志云故汜城

在許州襄城縣一里左傳云天王出居於鄭處於汜是

子帶立為王取襄王所絀

翟后與居溫

括地志云故溫城在懷州溫縣西二十里漢晉為縣本周司寇蘇忿生之邑左傳云

周與鄭人蘇忿生十二邑溫其一也地  
理志云溫縣故國已姓蘇忿生所封也  
十七年襄王告

急于晉晉文公納王而誅叔帶襄王乃賜晉文公珪鬯

弓矢為伯以河內地與晉

賈逵云晉有功賞之以地二陽樊溫原攢茅之田也

十年晉文公召襄王襄王會之河陽踐土

括地志云故王宮在鄭州

滎澤縣西北十五里王宮城中左傳云晉文公敗楚于城濮至于衛雍作王宮于踐土也按在城則所作在踐土城內東北隅有踐土一七  
諸侯畢朝書諱曰天王狩

臺東去衛齊三十餘里也

于河陽二十四年晉文公卒三十一年秦穆公卒三十

二年襄王崩子頃王壬臣立頃王六年崩子匡王班立

匡王六年崩弟瑜立是為定王定王元年楚莊王伐陸

渾之戎

渾音魂杜預云允姓之戎居陸渾在秦西北二國誘而徙伊川遂從戎號今洛州陸渾縣取其

號也後漢書云陸渾戎自瓜州遷于伊川左傳云初平王之東遷也辛有適伊川見被髮而祭于野者曰不及百年此其戎乎其禮先亡矣按至僖公二十二年秋秦晉遷陸渾之戎于伊川計至辛有言適百年也括地志云故麻城謂之蠻中在汝州梁縣界左傳單浮餘圍蠻氏杜預云城在河南新城東南伊洛之戎陸渾蠻氏城也俗以為麻蠻聲相近故耳按新城今伊闕縣是也次洛使人問九鼎王使王孫

滿應設以辭楚兵乃去十年楚莊王圍鄭鄭伯降已而

復之十六年楚莊王卒二十一年定王崩子簡王夷立

簡王十三年晉殺其君厲公迎子周於周立為悼公十四年簡王崩子靈王泄心立靈王二十四年齊崔杼弑其君莊公二十七年靈王崩子景王貴立景王十八年

后太子聖而早卒二十年景王愛子朝欲立之

左傳云子朝用

成周之寶珪沈於河津人得諸河上杜預云禱河求福也珪自水出也按河神不敢受故也

會崩子

丐之黨與爭立國人立長子猛為王子朝攻殺猛猛為悼王晉人攻子朝而立丐是為敬王敬王元年晉人入敬王子朝自立敬王不得入居澤四年晉率諸侯入敬



王于周子朝為臣諸侯城周十六年子朝之徒復作亂  
敬王犇于晉十七年晉定公遂入敬王于周三十九年  
齊田常殺其君簡公四十一年楚滅陳孔子卒四十二  
年敬王崩子元王仁立元王八年崩子定王介立定王  
十六年三晉滅智伯分有其地二十八年定王崩長子  
去疾立是為哀王哀王立三月弟叔襲殺哀王而自立  
是為思王思王立五月少弟嵬攻殺思王而自立是為  
考王此三王皆定王之子考王十五年崩子威烈王午

立考王封其弟于河南

帝王世紀云考哲王封弟揭於河南續周公之官是為西周桓

公按自敬王遷都成周號東周也桓公都王城號西周桓公

是為桓公以續周公之

官職桓公卒子威公代立威公卒子惠公代立乃封其

少子於鞏

鞏音拱郭緣生述征記鞏縣周地鞏伯邑史記周顯王二年西周惠公封少子班於鞏以

奉王室為東周惠公也子武公為秦所滅

以奉王號東周惠公威烈王二十

三年九鼎震命韓魏趙為諸侯二十四年崩子安王驕

立是歲盜殺楚聲王安王立二十六年崩子烈王喜立

烈王二年周太史儋

幽王時有伯陽甫唐固曰伯陽甫老子也按幽王元年至孔子卒三

百餘年孔子卒後一百二十九年僖見  
秦獻公然老子當孔子時唐固說非也  
見秦獻公曰秦本

紀云獻公十一年見見後十五年周顯  
王致文武胙於秦孝公是復合時也  
始周與秦國合

而別別五百載復合合十七歲而霸王者出焉  
周始與秦國合

者謂周秦俱黃帝之後至非子末別封是合也而別者  
謂非子末年周封非子為附庸邑秦後二十九君至秦

孝公二年五百載周顯王致文武胙於秦孝公復與之  
親是復合也合十七歲而霸王者出謂從秦孝公三年

至十九年周顯王致胙於秦孝公是霸也孝公子惠王  
稱王是王者出也然五百載者非子生秦侯已下二十

八君至孝公二年都合四百八十六年  
兼非子邑秦之後十四年則成五百載  
十年烈王崩弟

扁立扁邊是為顯王顯王五年賀秦獻公獻公稱伯九

年致文武胙於秦孝公二十五年秦會諸侯於周二十

六年周致伯於秦孝公三十三年賀秦惠王三十五年

致文武胙於秦惠王四十四年秦惠王稱王

秦本紀云惠王十三

年與韓魏趙並稱王

其後諸侯皆為王四十八年顯王崩子慎觀

王定立慎觀王立六年崩子赧王延立王赧時東西周

分治王赧徙都西周

敬王徙王城東從成周十世至王赧徙成周西從王城西周武公居

焉

西周武公之共太子死有五庶子毋適立司馬翦

音翦

子踐反楚臣也

謂楚王曰不如以地資公子咎為請太子左成

曰楚臣也不可周不聽是公之知困而交疏於周也言以地資

公子咎請為太子周若不許是楚於周交益疏不如請周君孰欲立以微告翦

楚命翦適周諷周君欲立誰以微言告於翦翦令楚賀之以地果立咎為太子也此以上至西周武公是楚令

周立公子咎翦請令楚賀之以地果立公子咎為太子為太子也

八年秦攻宜陽括地志云故韓城一名宜陽城在洛州福昌縣東十四里即韓宜陽縣城也

楚救之而楚以周為秦故將伐之蘇代為周說楚王曰

何以周為秦之禍也言周之為秦甚於楚者欲令周入

秦也故謂周秦也周知其不可解必入於秦此為秦取

周之精者也

解音紀買反代言周若知楚疑親秦其計定不可解免周必親於秦也是為秦取周

精妙之計

為王計者周於秦因善之不於秦亦言善之以疏

之於秦

代言為王計者周親我因而善之周不親亦言善之楚若善周周必疏於秦也周絕於

秦必入於郢矣

郢楚都也楚既親周秦必絕周親楚矣以上至八年蘇代說楚合周秦借

道兩周之間

上借音精夕反下音子夜反

將以伐韓周恐借之畏於

韓不借畏於秦史厭

鳥減反又於點反

謂周君曰何不令人謂

韓公叔曰秦之敢絕周而伐韓者信東周也公何不與

周地發質使之楚

質音竹利反使音所吏反質使今云子及重臣等往楚為質使秦疑楚又

得不信周也質秦必疑楚不信周是韓不伐也又謂秦平敵不相負也

曰韓彊與周地將以疑周於秦也周不敢不受秦必無

辭而令周不受

又謂秦曰韓強與周地今秦疑周親則周不敢不受秦必無巧辭而令周不敢

不受韓地也

是受地於韓而聽於秦秦召西周君西周君惡

往故令人謂韓王曰秦召西周君將以使攻王之南陽

也王何不出兵於南陽周君將以為辭於秦周君不入

秦秦必不敢踰河而攻南陽矣

南陽今懷州也杜預云在晉山南以上至秦召

西周君是西周君說韓令出兵河南謀秦也

東周與西周戰韓救西周或為

東周說韓王曰

為音于偽反及或人為東周說王令按兵無出則周德韓矣

西周故

天子之國多名器重寶王案兵毋出可以德東周

韓按兵不

出伐東周而東周甚愧韓之恩德也

而西周之寶必可以盡矣

韓出兵助西周雖不

攻東周西周愧其佐助寶器必盡歸於韓以上至東周與西周戰是或人說韓令無救西周也

王赧謂

成君楚圍雍氏

雍音於恭反括地志云故雍城在洛州陽翟縣東北二十五里故老云黃帝雍

作杵臼所封也按其地時屬韓也

韓徵甲與粟於東周東周君恐召蘇

代而告之代曰君何患於是臣能使韓毋徵甲與粟於

周又能為君得高都

括地志云高都故城一名郛都城在洛州伊闕縣北三十五里周



君曰子苟能請以國聽子代見韓相國曰楚圍雍氏期

三月也今五月不能拔是楚病也

謂楚兵  
樊弱也

今相國乃徵

甲與粟於周是告楚病也韓相國曰善使者已行矣代

曰何不與周高都韓相國大怒曰吾毋徵甲與粟於周

亦已多矣

言幸  
甚也

何故與周高都也代曰與周高都是周

折而入於韓也秦聞之必大怒忿周即不通周使是以

樊高都得完周也曷為不與相國曰善果與周高都

上以

至楚圍雍氏是蘇代為東周  
說韓今不徵甲而得高都

三十四年蘇厲謂周君曰

秦破韓魏扑師武北取趙蘭離石者

蘭音力乃反括地志云離石縣今石

州所理縣也蘭近離石皆趙二邑

皆白起也是善用兵又有天命今又

將兵出塞攻梁

謂伊闕塞也在洛州南十九里伊闕山今名鍾山鄴元注水經云兩山相對望

之若闕伊水歷其間故謂之伊闕按今謂之龍門禹鑿以通水也

梁破則周危矣君何

不令人說白起乎曰楚有養由基者善射者也去柳葉

百步而射之百發而百中之左右觀者數千人皆曰善

射有一夫立其旁曰善可教射矣養由基怒釋弓搯劍

曰客安能教我射乎客曰非我能教子支左詘右也夫

去柳葉百步而射之百發而百中之不以善息少焉氣

衰力倦弓撥矢鉤一發不中者百發盡息今破韓魏扑

師武北取趙蘭離石者公之功多矣今又將兵出塞過

兩周倍韓攻梁一舉不得前功盡弃公不如稱病而無

出以上至三十四年是蘇厲為周說白起無伐梁也四十二年秦破華陽約司馬

彪云華陽亭名在密縣秦昭王三十三年秦背魏約使客卿胡傷擊魏將芒卯華陽破之六國年表云白起擊

魏華陽芒卯走括地志云故華陽城在鄭州管城縣南四十里是按馬犯見秦破魏華陽約懼周危故謂請梁

城周馬犯謂周君曰請令梁城周乃謂梁王曰周王病

若死則犯必死矣

陽馬犯周臣也乃說梁王曰秦破魏華陽之軍去周甚近周王憂懼國破猶

身之重病若死則犯必死也

犯請以九鼎自入於王王受九鼎而圖

犯梁王曰善遂與之卒言戍周

戍守也周雖未入九鼎於梁而梁信馬犯矯言

遂與之卒今守周

因謂秦王曰

梁兵非戍周也將漸伐周而取九鼎寶器王若不信試出師於

境以觀梁王之變也

梁非戍周也將伐周也王試出兵境以觀之

秦果出兵又謂梁王曰

馬犯說秦得秦出兵於境又重歸說梁王也

周王病

甚矣犯請後可而復之

復音扶富反復重也秦既破華陽軍今又出兵境上是周國病

秦久矣犯前請卒戍周諸侯皆心疑梁取周後可更重請益卒守周乎

今王使卒之周諸

侯皆生心後舉事且不信不若令卒為周城以匿事端

既諸侯生心不如令卒便為築城以隱匿疑伐周之事  
端絕諸侯不信之心梁王遂使城周解諸侯之疑也

梁王曰善遂使城周

以上至四十二年是馬  
犯說梁王為周築城也

四十五年

周君之秦客謂周最曰公不若譽秦王之孝因以應為

太后養地

括地志云故應城殷時應國在城父按應  
城此時屬周太后秦昭之母宣太后半氏

秦

王必喜是公有秦交交善周君必以為公功交惡勸周

君入秦者必有罪矣

客謂周最曰周君與秦交善是最  
之功也與秦交惡勸周君入秦者

周最今必得勸周君之罪也以上四十五年是  
周客說周最令周君上應入秦得交善而歸也秦攻周

而周最謂秦王曰為王計者不攻周攻周實不足以利聲畏天下天下以聲畏秦必東合於齊兵弊於周合天下於齊則秦不王矣天下欲弊秦勸王攻周秦與天下

弊則令不行矣

令音力政反秦欲攻周最說秦曰周天子之國雖有重器名寶土地狹少不足

利秦國王若攻之乃有攻天子之聲而令天下以攻天子之聲畏秦使諸侯歸於齊秦兵空弊於周則秦不王矣是天下欲弊秦故勸王攻周令秦受天下弊而今教命不行於諸侯矣以上秦攻周是周最說秦也

五

十八年三晉距秦周令其相國之秦以秦之輕也還其

行

以秦輕易周相故相國於是反歸周也

客謂相國曰秦之輕重未可知

也言秦之輕相國重相國亦未可知秦欲知三國之情公不如急見秦

王曰請為王聽東方之變秦王必重公重公是秦重周

周以取秦也齊重則固有周聚

按周聚事齊而和於齊周故得齊重今相國又

得秦重是相國收秦周聚收以收齊是周常不失重國

之交也秦信周發兵攻三晉

三晉韓魏趙也以上至五十八年是客說周相國今

報三國之情得秦重也

五十九年秦取韓陽城負黍

括地志云陽城洛州縣也

負黍亭在陽城縣西南三十五里故周邑左傳云鄭伐周負黍是也今屬韓國也

西周恐倍秦

與諸侯約從

按諸說未允關東地南北長為從六國共居之關西地東西廣廣為橫秦獨居之

將天下銳師出伊闕攻秦

西周以秦取韓陽城負秦懼倍秦之約共諸侯連從領天

下銳師從洛州南出伊闕攻秦軍今不得通陽城

令秦無得通陽城秦昭王怒

使將軍摎

摎音虬反

攻西周西周君犇秦

謂西周武公

頓首受

罪盡獻其邑三十六口三萬秦受其獻歸其君於周

君王赧卒

劉伯莊云赧是慙恥之甚輕微危弱寄住東西足為慙赧故號之曰赧帝王世紀云名譏

雖居天子之位號為諸侯之所役逼與家人無異名負責於民無以得歸乃上臺避之故周人名其臺曰逃責

臺周民遂東亡秦取九鼎寶器而遷西周公於豳狐

括地

志云汝州外古梁城即豳狐聚也陽人故城即陽人聚也在汝州梁縣西四十里秦遷東周君也梁亦古梁城



也在汝州梁縣西南十五里新城冷洛州  
伊闕縣也按憲狐陽人傍在三城之間  
後七歲秦莊

襄王滅東西周

括地志云故穀城在洛州河南縣西北  
十八里苑中河陰縣城本漢平陰縣在

洛州洛陽縣東北五十里十三州志云  
在平津大河之南也魏文帝改曰河陰  
東西周皆入於

秦周既不祀

按王赧卒後天下無主三十五年七雄並  
爭至秦始皇立天下一統十五年海內咸

歸於  
漢矣

太史公曰學者皆稱周伐紂居洛邑綜其實不然武王  
營之成王使召公卜居居九鼎焉而周復都豐鎬至犬  
戎敗幽王周乃東徙於洛邑所謂周公葬我畢畢在鎬

東南杜中秦滅周漢興九十有餘載天子將封泰山東  
巡狩至河南求周苗裔封其後嘉三十里地號曰周子

南君

括地志云周承休城一名梁雀塢在汝州梁縣東北二十六里帝王世紀云漢武帝元鼎四年東巡

新洛

恩周德

乃封姬嘉三千戶地方三十里為周子南

君以奉周祀

元鼎三年嘉弟昭進爵為承休侯在此城

也平帝元始四年進為鄭公光武建武三年封姬觀為

衛公

類師古

云子南其封邑之號故總言周子南君按

自嘉以下皆

姓姬氏著在

比列侯以奉其先祭祀

史記正義卷四

史傳贊言子南為氏恐非